

皇上四老道中君道经第十三

“皇上四老道中君道经第十三

上清大洞真经卷之三

茅山上清三十八代宗师蒋宗瑛校勘

七真玄阳君章

谨请两肾七真玄阳君，字冥光生，常守兆背之穷骨，九地之户死炁之门，使地户伏生炁，穷骨受神液，六津调满，生根探密。

真思肾中七真玄阳君真炁，玄云之色，罩于顶上，默微呪曰：

七真生帝景，八炁运常宁，上招日中童，圆珠映我形，徊风混幽府，归妙大洞经，拔出地户难，超凌逸九天。



次思玄云之炁从兆泥丸中入，兆乃口吸神云，咽津七过，结作七神，披发跣足，入绛宫，分入两膀胱，穿尾闾穴，上充两肾，出背穷骨，顺时吐息。

诵玉经。

大洞玉经曰

皇上超无景音影，轮转九曜日名生，徊风混帝心，八炁运常宁，广霞山名叅神天，五帝日帝敷日精，液逸元中膜，血凝五华平，体宝圆珠日精映，流曜拔兆形，号为受逸阜日中白帝名，亦曰澄澹淳日中黑帝名，俱济三灭关，启籍登太明，令我保仙真，七世披绿青元始炁，解酆冥涂下，起福晨上灵，世世登玉乡玉虚境，七祖反胎婴。

大上玉清三元王祝曰

太一郁书斗中大女，上登洞房，六合眉后三冥三一神，司命神公，手执箕籍，驾景乘龙，左徊灵曜，右扇神风，峨峨隐珠日中夫人，芬艳婴蒙，浩观太无，濯炼五通，澄魂羽幽，炼魄空同，招兆百神，月帝告功，七祖顺生，景福昌隆，回我老艾，还反玄童，上对神霄，金光十方，飞飏玉轮，弹金鸣钟。

毕，乃口微祝曰：

天上内音，三乐深，五达门。

地上外音，法轮回，道上生。

大洞七真玄阳君消魔玉符

诀曰：当黄书白绹佩之，存呼玄阳君内讳名字，镇我背穷骨地户，为我通天生炁，固塞死道，六津凝精，长生不老。乃叩齿九通，咽液七过

